





THESES THEOLOGICAE  
DE  
SCRVTANDIS  
SCRIPTVRIS SACRIS,  
ET EARVM SVFFICIENTIA AD  
veram Dei, & vitæ æternæ cognitionem:

*In quibus examinantur aliquot instantiæ & exceptiones IOHAN-  
NIS LENSEI Professoris Louanienfis pro Traditionibus,  
& verbo non scripto, contra D. ANTON.  
SADEELEM P. M.*

De his disputabitur in auditorio Theo-  
gicoad diem xx Nouembr. horis matutinis,

PRÆSIDE  
DANIELE TOSSANO S. THEOLOGIAE D.  
ET PROFESSORE IN INCLYTA  
Academia Heidelbergensi:

Respondente  
IACOBO KREY HACHENBURGENSE  
S. Theologiz Studiofo.



HEIDELBERGAE,  
excudebat Abrahamus Smetsmannus,  
ANNO MDLXCI.



ILLVSTRIBVS, ET INCLYTAE  
EXSPECTATIONIS COMITIBVS,  
D. PHILIPPO LVDOVICO, COMITI AB HANAVV  
ET REINECK, DOMINO IN MINTZENBERG:  
ET D. ADOLPHO, COMITI A BENTHEM ET  
TECKELBVRG, IN ANTIQVA HAC ET CELEBERRIMA  
ACADEMIA HEIDELBERGENSI HOC TEMPORI  
VERSANTIBVS: ET CVM OMNIS PRÆCLARÆ IL-  
TERATVRÆ, TVM INPRIMIS SACRARVM LI-  
TERARVM INDAGATORIBVS STUDIOSSISSIMIS:  
SVAS HAS DE SACRIS SCRIPTVRIS SCRIV-  
TANDIS THESES, OBSERVANTIÆ  
CAVSA, DICAT ET OFFERT

DANIEL TOSSANVS,

Vegetius:

*NULLVS est, quem oporteat, vel plura, vel meliora scire, quàm  
Principem: cuius doctrina debet omnibus subditis prodesse.*

Ouid. lib. 5. de Trist. Eleg. 15:

*Qui monet vt facias quod iam facis ille monendo,  
Laudat, & hortatu comprobat astra suo.*





## DE SCRVTANDIS SCRIP-

TVRIS SACRIS:

iuxta illud Iohan. 5.

*Scrutamini Scripturas: Nam vos videmini vobis in ipsis vitam  
aeternam habere: Et illa sunt, quae testificantur de me.*

### THESIS PRIMA.



VM causa certitudinis in Ecclesiae doctrinâ sit reuelatio Dei, qui mentiri non potest; is autem voluntatem suam in verbo suo plenissimè nobis reuelauerit, & totam cultus sui rationem praescripserit: meritò in Ecclesia verbum Dei eminere, & lucernae instar nobis praelucere debet.

II.

Et si verò sermone, siue verbo enunciativo initio usus est Deus, crebrisque apparitionibus & visionibus fidem primis illis temporibus sibi parare voluit; Nos iam rectè tamen sacram Scripturam VERBUM DEI vocamus, quæ illius enunciativi est symbolum, & eandem planè fidem, eundem Dei cultum, eundem Seruatorem nobis proponit, quem Sermo ille, vel verbum enunciativum proponebat.

III.

Scripturam enim Dei vocem & verbum esse per quod quotidie nos alloquitur Deus, testantur varia loca. Ierem. 7. 22. Micha. 6. v. 8. 9. Psal. 95. Heb. 3. Ioh.

A ij

19. v. 37. Rom. 4. 13. Rom. 9. 19. Hebr. 1. v. 1. Propheta  
siquidem & Apostoli Dei organa fuere, & à Spiritu  
Sancto acti homines Dei locuti sunt, 2. Petr. 1. vn-  
de & Scriptura ~~divina~~ appellatur, 2. Tim. 3.

IIII.

In Psal. 90. Et non abs re D. Augustinus Scripturam ait esse  
*Epistolam à Civitate celesti ad nos missam, qua nos officij  
nostri erga Deum & proximum commonefaciat.*

V.

Ingrati itaque erga Deum sunt, eundemque ten-  
tant, qui hanc Dei Optimi Maximi Oeconomiam  
non agnoscunt, ad verbum non scriptum vel ad ea  
tempora, quibus sine Scriptura Ecclesia regebatur,  
nos revocare volunt, potius quam ut cum Orthodo-  
xis in Sacris Scripturis acquiescant.

VI.

Nam ut ea omittamus, quæ verisimiliter de Scri-  
pturis ab initio mundi usurpatis adferri possent, ut de  
libro Henoch, cuius aliquid citatur non solum à B.  
Iuda in Epistola, verum etiam Tertulliano & ab Au-  
gustino. Item de duabus illis Columnis, alterâ La-  
teritiâ, alterâ Lapideâ, quibus ante diluvium multa  
inscripta fuisse scribit Iosephus Antiquit. lib. 7. cap. 3.  
Simpliciter pronunciamus, nullius momenti esse,  
quod Pontificij nonnulli ad Scripturam extenuan-  
dam, & Traditiones extolendas, aiunt, verbum non  
scriptum antiquius esse Scripturâ.

VII.

Non enim quaeritur, verum sit antiquius verbum  
non scriptum, an verbum scriptum: sed quaeritur, an  
Deo præscribere debeamus, quomodo Ecclesiam  
regere debeat: & an non illi æquè sint erga Deum in-  
grati

grati, qui vt deprimant scripturam, ad antiquitatem  
verbi non scripti confugiunt, atque ij, qui ob anti-  
quitatem cultus Mosaici, cum Euangelij prædica-  
tionis anteponeere vellent.

VIII.

Deinde hoc contendimus: Nihil cōtra scripturam  
hæc verbum Dei non scriptum: quia idem est Dei  
verbum, doctrina eadem, si substantiam spectes, quam  
Deus olim & Christus in terris sermone enūciarunt:  
& quam saluberrimo consilio partim Deus ipse scri-  
psit, vt Decalogum: partim scriptis mandari voluit.

IX.

Consilium autem suum ea in re nobis Deus ipse  
aperuit Deuteron. 31: cur videlicet scripturam extare  
vulnerit: nimirum ne mortuis prophetis, & crescente  
vel sedes mutante populo, excideret Legis Diuinæ  
memoria: sed ad posteros quoque propagarentur, &  
integra conseruarentur Dei Testimonia.

X.

Idcirco in omnibus grauibz controuersis ad illa  
Testimonia recurri voluit, nec ea vnquam planè in-  
terire passus est, ne tunc quidem cū libros Sacros  
sollicitè conquiri & flammis tradi mandabat Antio-  
chus, & post Christi ascensum in cœlū, Diocletianus.  
*Dent. 17.  
18.  
2. Reg.  
23. 2.  
Esdr. 8. 10.  
Isa. 3. 12. 1. Macab. 1. Euseb. li. 8. Histor. 6. 2.*

XI.

Interim Dei consilium quasi repudians Lenseus  
affirmare audet, *Legis Scriptionem necessariam non fuisse.* pag. 131.  
& dum ait pag. 2. *mundum diu caruisse Scripturis*, con-  
cludit scripturam, quam alibi tamen veritatis funda-  
mentum vocat, non ita magni esse momenti: vnde  
& in Præfatione Orthodoxos ridet, qui in illo suo

Axiomate tuendo multum laborent: OMNIA, *quæ ad Fidem & salutem pertinent, Sacris literis contineri.*

XII.

Verùm vt in hac Tractatione omnis ambiguitas vitetur, & in cōspectu sit totiùs nostræ Disputationis summa: exponemus paulò vberius: primum, quid per Scripturam intelligamus. 2. Qualem eius sufficientiam agnoscamus. 3. Quomodo scrutanda & indaganda sit.

XIII.

SCRIPTURAM cum nos tãtopere prædicamus, non certè literarum apices, syllabas, membranas, atramentum respicimus, vt nonnulli Sophistæ imaginati sunt, & hoc nomine suas Traditiones supra Scripturam euehere voluerunt, *quòd illa in cordibus, hac in tabulis aut panniculis perituris scripta sit.*

XIIII.

Nec dissimili argumēto vititur Lenseus Louanien-  
sis professor, cum aliquot aliis Iesuitis. Is enim in li-  
bello de verbo non Scripto contra D. Sadeelem P.M.  
nuperrimè edito, quasi apertè oppugnans Scriptu-  
ras, (quas alibi magno Dei beneficio ad hominū vti-  
litatem comparatas fatetur) ait, *Christum nihil scripti  
suus Apostolus tradidisse: sed pro literis, Spiritus S. gratiam  
repromississe, qui omnia sit docturus.* Item, *mandatum de-  
disse de docendo & prædicando: non de scribendo.* D. etiam  
Paulum profiteri, doctrinam suam, *non a tramento in-  
sc: iptam: sed spiritu Dei vini: non in tabulis lapideis, sed in  
carneis tabulis cordis.*

XV.

Verùm quid hoc aliud est, quàm Scripturas, tan-  
quam præter Christi mandatum & autoritatem edi-

Disputa-  
tionis hu-  
ius sum-  
ma.

Petrus à  
Soto con-  
tra Con-  
fess. Ducis  
VVirtem-  
berg.

Bellarmino.  
Emanuel  
de Vega.  
pag. 129.

pag. 131.

2 Cor. 3.

tas ex Ecclesia elimare: & cum Schvvëckfeldio totam  
Ministerij externi efficaciam submouere?

XVI.

Sic enim colligi poterit: Quæ Christus nec fecit,  
nec mandauit, ea facile omitti possunt: Is verò nihil  
scripsit, nec scribi mandauit. Ergo scripturis facile ca-  
tere possumus.

XVII.

Item: Spiritus S. de omnibus nos docet. Ergò ad  
nos docendos Scripturà non est opus: sed tantum ad  
nobis quædam in memoriam reuocanda vel ad au-  
res foris feriendas.

XVIII.

Cæterum ad prius Enthymema cum Augustino  
respondemus: *Dum quarunt, quare nihil scripserit Chri-*  
*stum, præferunt, se credituros, si aliquid scripserit; nolle*  
*autem credere, quod alij pro arbitrio scripserint: Christum*  
*se vi sapientem honorare, qui nihil scripsit: nec agnoscere vo-*  
*lunt Dei consilium admirabile fuisse, ut per quatuor quasi*  
*quadrigas, quatuor scilicet Euangelistas, Religio Christiana*  
*per totum orbem disseminetur.*

Lib. 1. de  
Consenſu  
Euange-  
lii.

XIX.

Falsum est autem, sine Christi mandato scripsisse  
Euangelistas. Nam & ratio illa ipsa, qua nititur  
Deus in Veteri Testamento, mandans vt lex scribe-  
retur, de qua Theſ. 9. nunc non minùs locum habet:  
& quando Christus iubet doceri Euangelium, quis  
non videt, tum sermone, tum Epistolis, siue Scriptis  
id faciendum esse: quum vtroque modo homines  
docere soleamus.

Matt. 28  
Luc. 1.

XX.

Ad alterum verò de Spiritu S. nos docente: respõ-

A. iijj

det Christus ipse dicens Ioh. 15. *Spiritus ille veritas  
testabitur de me: Et vos testabimini: quia à principio me-  
cum estis: Ille in cordibus vestris* (inquit Augustinus) *vos  
in vocibus; ille inspirando, vos sonando.*

XXI.

Nec sonando solum voce, sed & scribendo: quia  
vna eademque est doctrina, quam tradiderunt, qui à  
principio Ministri fuerunt Sermonis, & quæ ad veri-  
tatem, *certitudinemq; firmam* scriptis mandata est, vt  
monet B. Lucas cap. 1. Euangelicæ Historiæ.

XXII.

Scripturâ  
quid vo-  
cemus.  
2 Tim. 3.  
15.

Non est ergo nobis Scriptura, qualiscumque Scri-  
ptura chartis illita, vel atramento aut notulis distin-  
cta: sed sunt *ταῖς ᾠκίστα*, siue tota illa salutaris do-  
ctrina libris Canonicis veteris & Noui Testamenti  
ab iis scripto comprehensa, quos constat non pro-  
pria libidine, sed actos Spiritu S. ea nobis descripsisse,  
quæ Deus ipse edixit, & quæ Christus cum Apostolis  
ad nostram institutionem & salutem elocutus est.

XXIII.

Neque negat D. Paulus se atramento scripsisse, aut  
autoritatem abrogat Scripturis, faciens mentionem  
*Colof. 4.* tabularum cordis, 2. Cor. 3. cùm manifestum sit eum  
multa scripsisse, & suas epistolas in cœtu Ecclesiæ legi  
voluerit: sed rationem ibi reddit, cur commendati-  
tiis Epistolis ad Corinthios opus non haberet: quan-  
do quidem fructus prædicationis Pauli satis se se ex-  
erebat in Corinthiis, quorum cordibus, in sculptâ suis-  
se Christi cognitionem manifestum erat.

XXIIII.

Illa igitur secundum quid dicuntur: nec opponun-  
tur, tanquam pugnantia, prædicationis & scriptio exter-  
na, &



na, & interna scriptio, quæ sit per Spiritum S. sed optimè cohærent, & vnum idemque testimonium perhibent.

XXV.

Et fateri cogitur Lenseus ipse, secum perpetuò pugnans: vt inscriptio fiat in cordibus, opus esse ordinario Ministerio, & viuæ vocis prædicatione. Sed negat, inscripto Euangelio cordibus nostris, opus amplius esse scriptura illa externa, ad Euangelicæ veritatis conseruationem. pag. 127.

XXVI.

Quasi verò non sit ipsis piis & augenda, & fouenda cognitio veritatis perpetua Scripturæ lectione & meditatione: & eadem ad posteros propaganda. Quid ergò sibi vult illud D. Pauli? *Eadem scribere vobis me quidem haud piget: vobis autem tutum est.* Et D. Petrus, *Insistū arbitror, quamdiu sum in hoc tabernaculo, excitare vos per cōmonefactionem: cūm sciam breui futurum, vt deponam hoc tabernaculum meum: sed & studebo, vt vos subinde post exisū meum possitis horum mentionem facere.* Philip. 3.  
2 Pet. 1.

XXVII.

Sed in primis ludicrum est, quod nostram Scripturæ Sacræ definitionem à D. Sadeele propositam, hac ratione infirmare vult Lenseus: quod nulla talis scriptura nominari possit, quæ à Prophetis, Euangelistis & Apostolis, qui diuersis vixere temporibus, simul perscripta sit.

XXVIII.

An non illud quæso est in re seria iocari? Prophetæ & Euangelistæ non simul scripserunt. Ergo Scriptura non potest dici verbum Diuinitus inspiratum & à Prophetis & Euangelistis scriptis mandatum.

B Nam

XXIX.

Nam nec prophetici libri, nec Psalmorum, eodem tempore scripti fuerunt. An ideo igitur peccauit Christus, qui utrosque libros passim Scripturam vocat?

XXX.

Verum quia in illa cauillatione sibi mirè placet Lenseus, & multis in locis id ipsum vrget, An non Decalogus sit Scriptura: an non epistola tertialohannis, an non epistola B. Iudæ? an non aliquis ex minoribus Prophetis? respondemus, Fallaciam esse æquiuocationis.

XXXI.

Nam quemadmodum Ecclesiæ etiam domesticæ, urbanæ, prouinciales, Ecclesiæ dicuntur, licet propriè membra sint veræ illius & vniuersalis Ecclesiæ: ita singuli quidem libri Canonici Scriptura sacra rectè nominantur: quanquam nos Scripturam Fidei normam vocantes, totum illud corpus librorum Canonicorum intelligimus.

XXXII.

De Scri-  
pturæ Sa-  
cræ suffi-  
cientia.

Et hætenus quidem de primo: Quid videlicet per Scripturam intelligamus: Nunc de ALTERO dicendum, videlicet de Scripturarum sufficientia, & autoritate: de qua nobis in præsentia præcipua lis est cum Pontificiis.

XXXIII.

Pontificio-  
rum con-  
tradictio-  
nes.

Ipsi porrò etsi magnificè de Scripturis loqui nonnunquam videntur: tamen & inter se, & tecum pugnant: eaque docent, quibus omnis scripturis detrahitur autoritas: non secus cum eis ageres (vt quidam ex Euangelicis Doctoribus monuit) ac Iudæi, qui Christo



Christo colaphos infligebant, postea fista oratione  
cum Regem salutabant, & petebant quis ipsum per- Brenius  
contra Pe-  
trum à Se-  
to.  
cussisset.

XXXIII.

Rem autē ita se habere, sic demonstramus: Eckius, In locis de  
autoritate  
Ecclesiæ.  
inter hereticas propositiones numerare audet, si quis  
dicat: *Scriptura auctoritatem maiorem esse, quàm Ecclesia.*  
Sic & Hosius scribit, *nullius ponderus fore scripturam sine* Lib. 3 de  
autoritate  
Scripturæ.  
in Pano-  
phia.  
*auctoritate Ecclesiæ.* Lindanus affirmat, *Traditiones esse*  
*Lydiū lapidem, vera & falsa doctrina indicem.* Item,  
*Adici clypeum omnibus hæreticis obijciendum.*

XXXV.

Alij paulò modestius scribentes, docent Scriptu- Andrad.  
Bellarm.  
ram habere ex se diuinam suam auctoritatem; Eccle-  
siam declarare tantū quanta sit eius auctoritas.

XXXVI.

Lenſeus etiam concedit, Scripturam in suo gene- p. 69. &  
85.  
re esse absolutissimam & continere perfectam in-  
structionem, optimaq; principia suppeditare. Item,  
erudiri Ecclesiam sufficienter ex libris Prophetis  
& Apostolicis. Alibi ramen scribit, *utilem esse Scriptu-  
ram, sed non sufficientem; & facile nobis imponi posse ob* pag. 70.  
*Scripturarum vel breuitatem, vel obscuritatem.*

XXXVII.

Concilium Tridentinum Sess. 4. Traditiones pa-  
triarque suscipi vult, quā Scripturas. Lenſeus vero  
ait, non sequi, eādem *πληροφορία* recipi Traditiones Ec-  
clesiæ, ut Dei verbum: nam cum discipulus testatur  
de Magistro, non sequi æquē credi discipulo ac Ma-  
gistro.

## XXXVIII.

Hæc omnia quàm & ἁπλοῶς, & inter se pugnantiā sunt, nemo non videt: nisi is cui superstitio oculos fascinauit. Nos verò constanter & vnanimiter vereque agnoscimus & affirmamus, nihil esse quod ad Salutē siue ad Fidem in Deum, ad vitam bene instituēdam, & ad legitimum necessariumque Ecclesiæ regimen pertineat, quod non ex sacræ Scripturæ partim expressis testimoniis, partim optimis consequentiis inde deductis, æquipollentibusque dictis & phrasibus demonstrari, & cognosci possit.

## XXXIX.

Libro 5. de  
Theologia.

Perinde enim sunt ea (vt rectè Nazianzenus monet) quæ ex manifestis & consentientibus Scripturæ locis benè concluduntur, atque ea quæ totidem verbis scripta sunt.

## XL.

Hæresi 60.

Veluti est pædobaptismus: Mulierum communio in Sacra Synaxi: τὸ ἑμμεσίον, quod Arianorum strophis opposuerunt veteres Theologi: & Epiphanius agnoscit extare, non quidem, quoad nomen, sed quoad sensum σαφὲς παρὰ τοῖς ἀποστόλοις, καὶ τοῖς προφήταις: & alia huiusmodi.

## XLI.

Et quod ad ritus & Ceremonias Ecclesiasticas vel etiam politiam Ecclesiæ attinet: etsi pro Ecclesiæ ædificatione & ratione locorum, & temporum, de his peculiariora quædam in Synodis tractata sunt, nonnulla etiam Historica recitantur in Historiis Ecclesiasticis, quæ in scriptis Apostolicis non reperiuntur: affirmamus tamen, quod ad substantiam & ritus necessarios attinet, tum Sacramentorum, tum politię Ecclesiasticæ.

7  
tica: sufficienter, nos de illis omnibus erudiri in li-  
teris sacris: nec admittendos ritus, quorum causæ &  
usus ex bonâ aliqua consequentia ex scripturis ducta  
non ostendantur.

XLII.

Historias verò Ecclesiasticas sic legimus, quemad-  
modum scripta humana: non ut libros Canonicos,  
*quibus solis hunc honorem cum pia vetustate habemus, ut* Augustin. Epist. 19.  
*nullam eorum authorum scribendo errasse credamus.*

XLIII.

Spiritus enim sancti doctrina est, quæ Canoni-  
cis literis continetur, à *quarum prescripto in negotio fi-* Cyrl. de  
recta Fide  
ad Regim.  
*dei discedere non licet, & contra quas, si quid statuant con-*  
*cilia* (sicut piè monent patres) *nefas est.*

XLIII.

Nec potest certè non absolutissima esse ea doctri-  
na, quæ Deum ipsum habet authorem: nec aberrare  
fides, quæ Dei verbo nititur: quod facillè fieret, si ab  
humana autoritate penderet.

Hierony.  
super e-  
pist. ad Ga-  
lar.

XLV.

Scripturam autem non solum utilem esse (ut vult  
Lenseus) verum etiam ad salutem sufficientem & ne-  
cessariam, sæpè à nostris Theologis demonstratum  
fuit.

XLVI.

Neque enim aliunde iubet Christus, nos ea quæ ad  
vitam æternam pertinent, scrutari, nec ex alio fonte  
tuas admonitiones, consolationes & reprehensiones  
deriuarunt Apostoli, & Protomartyres, Christi con-  
fessores.

Luc. 4.  
21.  
Ioh. 5.  
Act. 9. 22.  
Act. 18.  
28.  
Steph.  
Act. 7.

XLVII.

*Ioh. 6.* Quapropter, *verbum vita, doctrina salutis, sermoq;*  
*1. Ioh. 1.* *firmus cui attendendum est,* & in quo diuina & eximialia.  
*2. Pet. 1.* *gius axiomata perscripta sunt,* appellatur.  
*Ose. 8.*

XLVIII.

Et Canonici libri à Canone siue norma certissima & immota, ad quam fides & mores nostri componi debent, appellati sunt.

XLIX.

Sed valdè ineptit Lenseus, qui illa elogia de lege perfecta & sermone firmo, non de Scripturis, verùm de verbo aliquo non scripto, accipi vult.

L.

*2. Pet. 1.* Nam & diuus Petrus expressè *scripturam cum pro-*  
*ph. 20.* *phetia* coniungit, & iubens nos attendere sermoni Prophetico, hoc ipsum iubet, quod diuus Paulus *1 Tim. 4.* *motheo* præcepit, vt lectioni attendat: & quod *Ioh. 5.* *Christus*, vt scrutemur scripturas.

LI.

Aequè insulsum est, quod post Petrum à Soto, Bellarminus asserit, Libros Canonicos siue Scripturam, esse normam in genere: non autem in specie.

LII.

At contrarium constat ex doctrina prophetarum  
*Esa. 8.* & Apostolorum: qui non solum in genere, sed & in  
*Ioh. 5.* specialibus factis nos ad scripturam recurrere vo-  
*Luce 24.* lunt: vt quando disputatio aliqua exoritur, siue de at-  
*Act. 15. v.* ticulo aliquo fidei, vt de Messia: persona, de iustifica-  
*15.* tione &c. siue de recto vsu & ritibus sacramentorum.  
*1 Cor. 11.* Sunt

### LIII.

Sunt quippe scripturæ, *flatera non dolosa, de Theſaurũ Domini deſumpta*, quas in omnibus controuerſiis adhiberi etiam vult diuus Auguſtinus, & *ampliſſima ſunt regula & norma Religionis*, vt fatetur Andradius Pontificius.

Lib. 1. de  
Baptiſ. cõ-  
tra Dona-  
tiſt c. 6.  
Lib. 3. de-  
ſenſ. Con-  
cil. Tridẽ.

### LIIII.

Qualis enĩ eſſet regula ſcriptura Canonica, ſi Fi-  
des latius ſe extenderet, quàm iuxta ſuam regulam?  
cũ regula ſit meſſura, quæ non fallit, quæque nul-  
lam vel additionem, vel detractiõnem admittit.

### LV.

Ex ſcripturis denique non erudimur ſolũ ſuffi-  
cienter, ſed & potenter refutãtur Hæretici, & omnes  
malè ſentientes: quemadmodum diuus Paulus per  
tria ſabbatha differens, Iudæos ex ſcripturis conui-  
cit, Chriſtum eſſe Meſſiam, & monet idem, ſcriptu-  
ram eſſe promptuarium, in quo omnia reperiantur,  
*qua vel ad doctrinam, vel ad redargutionem, vel ad corre-*  
*ctionem, aut inſtitutionem Chriſtianam faciunt*, vt euadat  
homo Dei PERFECTVS: quod non fieret, ſi ſcripturæ  
doctrina imperfecta vel inſufficiens eſſet.

Act. 17.

2 Tim. 3.

### LVI.

Ethuius certè gladii Spiritus, ſufficientis ad iu-  
gulandas omnes hæreſes vim ſentiunt ipſi Pontificij:  
agnoscentes ſuas ſuperſtitiones corruere, ſi ſolis ſcri-  
pturis ſit ſtandum: agnoſcunt & ſentiunt Ariani, quo-  
rum alij idcirco Euangelium Iohannis, alij Prouer-  
bia Salomonis in dubium vocant: vt Emanuel à Ve-  
geleſuita obiicit Arianiſ in Tranſſyluania.

### LVII.

Sed iam propius cõſerere libet cũ Lenſeo, & expẽ-  
dere præcipua eius effugia contra D. Sadeclis demõ-  
ſtra-

Præcipua  
rum ali  
quot L. a-  
le: excep-  
tionum  
refutatio.

strationes. Iustam enim illius Lenseani Scripti refutationem ( qui, vt Græci olim Hæctori mortuo, Sadecli post mortem insultat, idque decem integris annis post editum Sadeclis De verbo scripto & non scripto librum ) alij fortasse suscipient.

LVIII.

Ac in præfatione quidem statim calumniatur, nos Pelagio non esse dissimiles, qui, teste Augustino, libro de natura & gratia, cap. 32. dicere sit solitus, *Credamus quod legimus.*

LIX.

Augustinus etenim, tantum abest vt eo in loco auctoritatem & iudicium Ecclesiæ detrectet, vt paulò post subiiciat: *O utinam non aliud diceret, quàm in illis sacris literis legitur: & fideliter ac obedienter audires quod scriptum est.*

LX.

Verùm Augustinus, eludens Pelagij indistinctum pronunciatum, ait, non omne quod legimus ( sine vlla scilicet distinctione fabulorum & veridicorum scriptorum ) credi debere: Et citat ( non tamen secundum textum Græcum ) locum ex 1 ad Thessal. 5. *Omnia legite: quod bonum est tenete*, vbi Græcus textus habet, *Omnia δοκιμάετε*. i. probate. Quare nihil planè contra nos illud Augustini facit.

LXI.

Cæterùm in hoc potissimum Sophismate se mirè effert, & id subinde repetit Lenseus, quod ex Bellarmino & aliis mutuatus est: Si Scriptura est fidei mensura, Ergò, quicquid scriptum est, erit fidei mensura:

hic

Ac Genesis, sic Epistola beati Iudæ, sic tertia Iohannis  
erit fidei mensura.

LXII.

Quis verò non videt fallaciam esse diuisionis,  
quandoquidem ( vt suprà professi sumus , & omnes  
Euangelici docent: ) quotiescunque Scripturam ad  
salutem sufficientem & fidei normam esse dicimus,  
per Scripturam intelligimus, non singulas lineas, aut  
separatum aliquod caput, vel membrum Scripturæ;  
sed totam illam diuinitus inspiratam & libris Cano-  
nicis comprehensam Scripturam.

LXIII.

Acolim quidem veteri populo sufficiens erat ve-  
tus Canon, siue Moses, Psalmi & Prophetæ, ad quos  
Christus & Apostoli Iudæos ablegarunt. Imò & Ec-  
clesia initio libris Moïsis fuit contenta, ante quàm  
scilicet plures Prophetas & Scriptores Deus excita-  
set, & quo tempore defectus ille per crebras visiones,  
aliaque reuelationes compensabatur.

LXIII.

Quod si nobis quoque solum Euangelium Iohan-  
nis, vel totam Epistolam ad Romanos scribi voluis-  
set Deus, illis quidem contenti essemus: & in singu-  
lis, vt & in singulis Euangelistis, doctrinam Fidei &  
pœnitentiæ contineri agnoscimus.

LXV.

Nunc verò cùm Domino Deo visum sit mysteria  
sua clarius & vberius nobis patefacere: quia nimirum  
Christus clausula fuit veteris Testamenti, & om-  
nium reuelationum, magnæ omninò ingratitudinis



esset, si veterem illum tantum Iudaicum canonem, aut vnum atque alterum librum Noui Testamenti admitteremus.

LXVI.

Verum hic rursus cauillatur Lenseus, & ex eo, quod ad vetus Testamentum accessit nouum, probare conatur, licere aliquid addere Scripturis: ideoque locum illum Deuteron. 4. *nihil addendum verbo Dei*: κατὰ τὴν intelligendum: nempe, ne quis libris Moïsis, aut Prophetarum de suo aliquid alluat aut affingat, quod illi non scripserint: vel ne eorum scripta corumpantur.

LXVII.

Atqui in promptu est responsio: licuisse quidem Deo addere suo verbo & illud nouis libris Canonicis augere; sed id hominibus licere negamus. Nec addidit propriè suo verbo Deus, sicut de Pontificiis cōquerimur, eos ad Scripturas, incertas pugnantelque traditiones addere, & Scripturis adæquare: Quin potius verbum & fœdus suum diuersis libris enarrauit Dominus, & per Prophetas, per Filium & Apostolos nos est allocutus, & quotidie in illorum scriptis alloquitur.

LXVIII.

Et voluit tamen illorum librorum certum esse numerum, & certam mensuram: vt monet B. Iohannes cap. 20: *Hæc scripsit, ut credatis Iesum esse Christum Filium Dei, &c.*

LXIX.

Quod porrò statuit Lenseus nouam aliquam do-  
cui-



Arinam additam Scriptis propheticis in Nouo Testamento, cum Prophetæ nunquam docuerint Christum passum esse, & ascendisse in cœlum: valdè est alienum & insulsum.

LXX.

Disertè enim Christus affirmat, illas Scripturas de se, nimirum, de sua tum persona, tum officio, tum Regni sui conditione testificari. *Ioh. 5.*

LXXI.

Et Euangelium iam ante promissum fuisse per Prophetas in Scripturis Sanctis de Filio Dei factò ex semine Dauid secundum carnem, docet Apostolus ad Rom. cap. 1.

LXXII.

Nec vna certè & eadem esset fides patrum & nostra, si ad doctrinæ ipsius substantiam aliquid accessisset.

LXXIII.

Licet ergò diuersæ sint circumstantiæ Veteris & Noui Testamenti: in eundem Christum crediderunt, eundem inuocarunt, eandem escam Spiritualem nobiscum comederunt, & ratione efficaciam non minus ipsis quàm nobis ab initio mundi mactatus fuit agnus ille tollens peccata mundi. *Rom. 4. 1. Cor. 10. Apoc. 13.*

LXXIII.

Nouum autem Testamentum veteri additum est, nō vt noua doctrina, sed vt veteris explicatio & complementum: aliàs quoad substantiam, *quicquid in veteri Testamento legitur*, vt rectè ad Damasum scribit

Hieronymus, *idem & in Novo*: Et erudiant nos quidem sufficienter singuli Scripturæ libri; sed pro argumento, quod tractant.

LXXV.

Nouum porrò effugium cum aliquot Iesuitis se inuenisse arbitratur Lenseus, dicens sufficientem quidem & perfectam esse Scripturam, quia Ecclesiam commendat, quam iubet audiri, ut absoluti euadamus.

LXXVL

Atqui hoc est partim detorquere Scripturam, partim illudere Scripturæ. Detorquere, quando quidem *Matt. 18.* ille locus Matthæi: *Disc Ecclesia*: item, *Si Ecclesiam non audierit*: de Censuris Ecclesiasticis presbyterij, non de nouis Traditionibus agit: Illudere, quia idem est, ac si dicas, aliquem esse idoneum & sufficientem Magistrum, qui aliquem nobis commendet, à quo plenè erudiamur.

LXXVII.

Ita ergò Scriptura non erit *αὐθεντική*, nec à Deo loquente pendebit eius autoritas & dignitas: sed ab Ecclesia: nec usurpandum erit illud propheticum: *Hæc dicit Dominus*; sed, *Hæc dicit Ecclesia*.

LXXVIII.

Quòd si interrogetur Lenseus: Quid per Ecclesiam intelligat: An vniuersalem, siue Catholicum cœtum piorum & credentium? Ecclesiam statim & eius auctori-

toritatem vel ad Pontificem Romanum restringet,  
vt nonnulli: vel vt alij, ad Episcopos & concilia.

LXXIX.

Et à Pontificibus scilicet, quorum alij se mutuò  
excommunicarunt: alij hæretici: alij idololatræ: alij  
Simonitæ fuerunt, auctoritatem suam mutuabitur  
Scriptura.

LXXX.

Iubet quidem Scriptura audiri Ecclesiam, sed eam,  
quæ est fundata super veram & immotam petram:  
eam, quæ vt Luna à Sole, sic à Christo lumen suum  
mutuat; non autem Soli lumen infert: eam, quæ est  
custos tabularum diuinarum; non quæ pro arbitrio  
tabulas nouas scribit, vel interpretatur diuinas.

LXXXI.

Et commouet omninò Ecclesiæ auctoritas inpri-  
micos, qui initio ad Ecclesiam accedunt, & Scri-  
pturas nondum legerunt: interim causa credendi est  
auctoritas & veritas diuina: vt piè scribit Augustinus:  
*Cum essemus (inquit) infirmi ad inueniendâ ligandâ ratio-*  
*ne veritatem, & ad hoc nobis opus esses auctoritate Sâctarum*  
*litterarum, iam credere cæperam, te nullo modo tributurum*  
*fuisse tam excellentem illi Scripturæ auctoritatem per omnes*  
*terras: nisi & PER IPSAM tibi credi, & PER IPSAM te*  
*quæri voluisses.*

Lib. 6. Com-  
foll. cap. 1.

LXXXII.

Aliud est igitur testimonium reddere: aliud, auto-  
ritatem addere Scripturæ: Iohannes Baptista Christo.

Lib. II. cō-  
tra Faust.  
c. 5.

Sermon.  
121. de  
tempor.

testimonium dedit, auctoritatem non addidit: Sic Ecclesia Scripturæ, quæ Spiritus quidem sancti ductu, & ex Scripturarum collatione eas à falsis & suppositiis Scriptis discernit non autem potest vel ex libris nō Canonicis Canonicos facere, vel Canonicis suam auctoritatem abrogare: sed suo Ministerio librorum Canonicorum auctoritatem tuetur: *quorum excellentiam Apostolicis iam temporibus confirmatam fuisse* scribit Augustinus. Et alibi, *anathema eis denunciat, qui nūc alias Scripturas Canonicas recipere vellent.*

LXXXIII.

pag. 146

Instat Lenseus, & ait: Si Ecclesiæ dicenti nobis, Scripturam esse Verbum Dei, credimus; cur non affirmanti has, vel illas Traditiones esse Apostolicas pari ratione credamus, cū sit ipsa columna veritatis?

LXXXIII.

Respondemus negari consequentiam, à potestate circumscriptā ad infinitam: à traditionibus Apostolicis ad humanas: à veritate Diuina, cui innititur Ecclesia vt columna fundamento, ad nugaces vel dubias traditiones.

LXXXV.

1. Cor. II.  
Iren. lib. 3.  
cap. 1.

Traditio Apostolica si intelligatur (vt sæpè fit in N. Testamento, & apud Irenæum) de iis, quæ in Concionibus, in Euangelica Historia, & Epistolis tradiderunt Apostoli; nos illas Traditiones faciliè recipimus, & maximi facimus. Traditiones autem, de quarum autoribus, & numero dubitant & variant ipsi Pontificij, & quæ simplicitati, ac veritati Euangelij consensaneæ non sunt, respuimus, aut saltem ad illas alligari nolumus.

Futile

## LXXXVI.

Futile est autem, quod ait Lenseus Non sequi, reprehendi Scripturam ut viciosam, etiam si non omnia necessaria contineat: neque enim ideo vitiosam esse Epistolam B Iudæ, & Iohannis tertiam, quod non omnia contineant.

## LXXXVII.

Nam ut maximè vitiosam non vocent Pontificij Scripturam, magnam ei iniuriam faciunt, si eam non omnia ad Salutem, & sufficientem instructionem necessaria complecti contendunt: siquidem hoc pacto nec fundamentum firmum, nec Fidei Regula esse possit. Per Scripturam autem in hac Disputatione nos non separatim aliquem librum, sed totum corpus librorum Canonice intelligere suprà testati sumus.

## LXXXVIII.

Verum esto ( inquit Lenseus ) Scripturam esse Fundamentum: Quid autem prodest fundamētum, nisi aliquid superædificetur? Cur ergo illi fundamentum Traditiones superstruere non liceat, ut integrum habeamus ædificium?

## LXXXIX.

Respondet D. Paulus, *Videndum, quomodo quis superædificet*. 1. Cor. 3. ne stipulam, & fœnum pro auro, & argento adferat; sed fundamento illi aureo tota ædificij superficies respondeat siue, ut omnes admonitiones, & exhortationes doctrinæ Fidei sint analogæ & consentientes.

## X C.

Et si cum Scripturis loqui volumus, non certè  
Tra-

*Matt. 16.* Traditiones humanæ, sed ipsa Ecclesia ædificium  
*Eph. 2.* Fundamento, & Lapidi angulari superstruam di-  
*1. Pet. 2.* citur.

XCI.

Cæterum non sufficit Lenseo, Scripturis esse in-  
jurium: nisi & de Spiritu Sancto, quem vnà cum Scri-  
pturâ ipsâ interpreterem, & magistrum nostrum agno-  
scimus, contemtim loquatur.

XCII.

Testimonium ( inquit Lenseus ) Spiritus Sancti,  
ad quod prouocat Calvinus in 3. caput 2. ad Timoth.  
quando dubitatur de autore Scripturæ: est aliquid  
non scriptum. Ergo præter Scripturam oportet ha-  
bere aliquid non scriptum. Item, Spiritus est res equè  
dubia, ac Traditiones: imò priuatum testimonium:  
cùm vnusquisque iactet spiritum Sanctum.

XCIII.

*Esa. 59.* Ad priorem obiectionem respondemus: Spiritum  
*Ioh. 15.* S. qui à Deo promissus, & datus est Ecclesiæ, longè a-  
*1. Cor. 2.* liud esse, quàm verbum non scriptum Pontificio-  
rum, siue traditiones humanas: & præter Scripturam  
opus esse & gratia Christi & dono Spiritus Sancti sed  
non vt nouam doctrinam discamus, sed vt suggerat &  
inscribat cordibus nostris quæ foris docentur, Spi-  
ritus ille ipse qui Scripturæ autor & dictator fuit.

XCIII.

Et hîc se iugulat Lenseus: Nam si agnoscit verbum  
non scriptum datum Ecclesiæ, esse Spiritum S. de cu-  
ius veritate & perfectione dubitari nequit, & cuius  
potente demonstratione; non autem persuasoriis  
*1. Cor. 2.* humanæ Sapientiæ verbis nitebatur D. Paulus: cur  
isto non contenti alia verba non scripta, dubia, &  
doctri-

doctrinæ Spiritus S. non consentanea nobis obtrudant?

XCv.

Ad alterum quod attinet, magna homonymia ludit, si per Spiritum S. nos intelligere putat singulorum Enthusiastarum afflatus, cum intelligamus Spiritum Sanctum, Spiritum, cuius fructus describit Apostolus ad Galat. 5. Spiritum, qui ducit in veritatem, & intus obsignat idipsum quod foris docet Evangelium: Spiritum, qui non huic aut illi priuato, sed omnibus ritè inuocantibus nomen Iesu promissus est.

Ioh. 15.

16.

2. Cor. 1.

2. Cor.

13. 13.

1. Ioh. 2.

27.

XCvi.

Verùm ne modum excedant theses nostræ, pluribus in præsentia contra Lenseum non agemus: cui tantùm propositum fuisse videtur, vel nostrorum argumenta eludere, vel partim pugnancia, partim falsa proferre.

XCvii.

Vt inter alia falsissimum est, quod ait Tertullianum, Hilarium, aliosque patres monētes, ut Scripturis contenti simus, *nata 71* & iuxta subiectam materiā id intelligere: nimirum in certis articulis.

XCviii.

Ipsemet verò Lenseus cap 5. rei veritate conuictus, ita scribit: *Quis Catholicus nescit, ad Scripturam imprimis OMNIA quæ ad Fidei salutisq; rebus mouentur, examinari atque explorari oportere? Quis neget, verbo Dei standum, iuxtaque illud, scire mendum & faciendum, quidquid pertinere putatur ad veram felicitatis consequutionem, &c.*

D

Cæ.



# XCIX.

Quomo-  
do Scri-  
pturæ scru-  
tandæ.

Cæterum nunc de TERTIO capite aliquid quoque  
dicendum est: quomodo videlicet scrutandæ & inda-  
gandæ sint Scripturæ.

## C.

2. Cor.  
4. 3.

Matt. 22  
2. Pet. 3.  
16.

Ac rectè quidem monet Apostolus, non Scripturæ  
imperfectione aut culpa, sed hominum fieri, quod  
multis testis est, quando eam per imperitiam vel ma-  
litiâ detorquent: ut Sadducæi faciebant, & de tali-  
bus nos D. Petrus admonet.

## CI.

Sic & Iudæi, (ut scribit Cyrillus in 5. Iohan.) parum  
in Scripturis proficiebant, quia ad contradicendum  
potius veritati, quàm ad eam cognoscendam Scri-  
pturas legebant.

## CII.

Psalm. 119.

Ante omnia autem orandus est, exemplo Davidis,  
sedulo Dominus, ut oculos nostros aperiat, ut videât  
& intelligant mirabilia legis ipsius.

## CIII.

Deinde non obiter & perfunctoriè legendæ sed, ut  
monet Christus, scrutandæ & indagandæ sunt: quem-  
admodum à Berroënſibus fiebat, Act. 17.

## CIIII.

Præterea Scriptura cum Scriptura conferenda est,  
non frustula tantum decerpenda, ut sit ab hæreticis,  
Act. 9. qui furantur & discerpunt Scripturas, inquit post  
v. 22. Ieremiam, Cyprianus) nec ea decent, quæ cum nor-  
Ierem. 23 ma articulorum Fidei & pietatis congruant.

Ob-



CV.

Observandæ etiam sunt circumstantiæ Temporis, rerum, personarum: & dictorum intelligentia aut ex præpositis, aut ex consequentibus detumenda, vt monent Cyrillus lib. 8. Thesauri cap. 2. & Hilarius li. 9 de Trinitate.

CVI

Se ipsam enim interpretatur Scriptura, & eam Spiritus S. ita temperauit, vt locis apertioribus fami succurrat: obscurioribus fastidia detergat: nec quidquã ferè de eius obscuritatibus erui possit, quod non planissimè alibi dictum reperiatur.

August. li.  
2. de do-  
ctrin.  
Christ.  
cap. 6.

CVII.

Scriptura itaque diuinitus inspirata, vt iubet Basil. Episc. 10. lius, arbiter à nobis constituatur, & apud quos inuenta fuerint dogmata diuinis sermonibus concordantia, his omninò veritatis suffragium accedat.

FINIS.

